

Gvangjsih Minzcuz Bau

Cawjguenj: Gvangjsih Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2024 Nd.11 Ng.6 Liggaeuq gyapsaenz nienz ndwencib cohaj Geizsoq: Gungh daih 3644 geiz

Sawndip Cunghvaz Gujciz Soqcihvaq Sizyensiz Youq Nanzningz Biengjbaiz

10 nyied 29 hauh, Sawndip Cunghvaz Gujciz Soqcihvaq Sizyensiz youq Gvangjsih Gyauyuz Cuzbanjse biengjbaiz laebbaenz, neix dwg naeuz daengx guk aen daih'it Sawndip Gujciz Soqcihvaq Sizyensiz cingqsih yinhhengz.

Laebbaenz Sawndip Cunghvaz Gujciz Soqcihvaq Sizyensiz dwg gij banhfap bouxguhong gujciz minzcuz Gvangjsih doeksaed 《2021-2035 Nienz Guekgia Gujciz Gunghcoz Gveihva》 ndawde aen ndeu. 《2021-2035 Nienz Guekgia Gujciz Gunghcoz Gveihva》 youz Daengx Guek Gujciz Cingjeix Cuzbanj

Gveihva Lingjauj Siujcuj yaenqfat, ndawde daezok aeu “doidoengh hwnqguh aen sizyensiz youqgaenj guh gujciz soqcihvaq, gyagiengz aeu dinfwngz moq bae doigvangq yungh hong gujciz soqcihvaq, giengzvaq vatcimh soqgawq, saedyienh geiq-liengh gyoebuenq, faenzbonj gvan-lienz, dingvih cazcam daengj goeng-naengz, doicaenh gujciz leihyungh ndei.”

Ciuq cam rox, Sawndip Cunghvaz Gujciz Soqcihvaq Sizyensiz youz Gvangjsih Gyauyuz Cuzbanjse, Gvangjsih Saujsu Minzcuz Gujciz Baujhoh Yenzgiu Cunghsinh fathwnj

laebbaenz, caeux youq 3 bi lai gaxgonq, song aen danhvei couh dazfwngz damqra guhlawz guh Sawndip gujciz soqcihvaq. 2021 nienz 4 nyied, ndaej daengz Swcigh Dangiveij Senhconzbu cujciz lingj-dauj, song aen danhvei hainduj hwnqguh gij vwnzva ciuhgeq maenh-ndei Gvangjsih soqcih cuzbanj bingz-daiz. 2022 nienz 8 nyied, aen cang bingzdaiz “cang swwhyenq soqcih cang gujciz Gvangjsih” hwnqbaenz, souloeg gak minzcuz sawgeq daejbonj 400 bouh, goemjyaenq bei 600 gienh, vwnzsu 1000 gienh, yinhbinz sibinz ca mbouj lai 10000 gawq. 2023 bienz

12 nyied, gij vwnzva ciuhgeq maenh-ndei Gvangjsih soqcih cuzbanj bingz-daiz cingqsih yungh. 2024 nienz baenzroix doxgaiq soqcih laebdaeb guhsat haifat—“fap coqhaej Sawndip Nazvah” souloeg Sawndip ciengzraen 1 fanh lai cih, aen yonjen ciengzseiz yungh daeuj bien cihsaw ndaej coqhaej caeuq yienh'ok Sawndip; “nazvah minzcuz gujciz cinwngz benhciz haeddoiq bingzdaiz” miz gij goengnaengz gag baenz lai hangz doiq hoiz swzdiuz, youqsienq doiq-ciuq cingjeix, youqsienq haeddoiq daengj.

(Veiz Yingcinh)

Liujcouh:Lwngyez Bae Gohgi-gvanj Yawjngonz Raen Lai

11 nyied 3 hauh, Liujcouh Si Gohyoz Gisuz Hezvei, Liujcouh Gohgi' gvanj lienzhah guh hozdung, miz hagseng caeuq lauxsae Dungcu, Myauzcu, Yauzcu, Bouxgun daengj Sanhgyangh Dungcu Swciyen Gyanghconh Siujyoz caeuq Minzcuz Saedniemh Hagdanz daeuj yawjngonz, roxyiuj gij yinxdaez gohgi, coihaej gak dieg saujsu minzcuz doxgyau doxhag, hawj bouxcoz nyezrauh raen lai rox lai, daezsang bouxcoz nyezrauh gij eijsik gyaezguk caeuq roxnyinh minzcuz miznaj, couqmaenh gij eijsik caezcaemh Cunghvaz Minzcuz. Ndaw doz dwg gyoengq hagseng yawj duzma gihgi.

(Danz Gaijinhing Liz Cingyez ingj)



Gvangjsih Song Bouh Ginghdenj Heiqmoeg Senjhaej Vwnzlijbu Fukbaiz Giva Mingzloeg

Mboengqneix, Vwnzva Caeuq Lijyouz Bu goengboush cungdenj conzdungj (ginghdenj) heiqmoeg fukbaiz giva mingzloeg, daengx guk gungh miz 38 bouh cozbij senjhaej giva, Gvangjsih Higiyen heiqcaijdiu 《Liuz Sanhcej》 caeuq Nanzningz Si Yisuz Heiqyienh heiqfoux 《Mehlw Ra Henzmbwn》 ndaej senjhaej.

Cungdenj conzdungj (ginghdenj) heiqmoeg fukbaiz giva dwg aen banhfap Vwnzva Caeuq Lijyouz Bu

doidoengh sevei cuji vwnzyi hwnqfat ndei saed, doicaenh hwnqguh Cunghvaz Minzcuz vwnzmingz daihneix ndeu, giva youq 2024-2025 nienz guh.

Heiqcaijdiu 《Liuz Sanhcej》 1958 nienz guh baenz, dwg gij yisuz ginghdenj daizheiq Cungguk. Heiqmoeg daezcaiz daj aen gojgaeq cienznaeuz “canghfwensien Bouxcuengh Liuz Sanhcej” aeu, lwnh gij gojgaeq Liuz Sanhcej vihliux henhoh gij swyouz caeuq viyiemz ciuhvunz,

baengh fwen buekhoenx, cauh'ok gij yienghsiengq Liuz Sanhcej gaenxguh sienhsoh, gyaundeis coengmingz, lauxsaed leixhaih, rox ciengq rox foux. Bouh heiq neix youq ndaw guk rog guk yienjok 3000 lai ciengz, ginggvaq Gvangjsih daih dem daih “Liuz Sanhcej” laemxsim yienj, daengz seizneix lij cienz yienj.

Heiqfoux 《Mehlw Ra Henzmbwn》 daezcaiz hix dwg gij cienznaeuz ndawbiengz Bouxcuengh. Bouh heiq neix lwnh gij gojgaeq geq boux

daxmeh Bouxcuengh daiq lwg ndeu dawz gij maqmuengh vunz cugranz, bae coh baihoeng, ra henzmbwn. Daengx bouh heiq langhbaiz le gij minzcuz cingsaenz lwgminz Bouxcuengh gaenxmaenx doxhwnj, baenzbaenz cungj mbouj lau, gamj buekguh. Heiqmoeg youz Nanzningz Yisuz Heiqyienh youq 1999 nienz cauqguh daengz neix, gaenq yienj 300 lai ciengz.

(daj 《Gvangjsih Yizbau》 aeu daeuj hoiz Liuz Yi)